

709(4)

16

Muti = village

7/13/7/11


H.E. Ntsanwisi

Material culture of the Tsonga.

709(1)

K24/11


1 Rinhlampfu



sitlati 4



Dulu 8




Ndyangu Nyangwa



Dulu



sitlati



sivava 9



6(b) nhanga ya vanwhanyana



nhanga ya madjaha 6(a)



3(a) Tshanga ra tihomu




3(b) sivalala sa timbuti

lame  
ku ri  
leriverke  
timhanezel  
le'to tiya



5 huvo



2 Sichusa hume ha sona joko nyangwa ji pfarinile

ni minwana.

Rinhlampfu ri biyiwa hi manhlampfu ya mitwa ya mirhi le'yo tiya, ndzhenge, nkaya, sigatlu, mnga, muqokolo, ntshugulu, ni minwana le'yo tano. Ku byariwa na kam e mirhi le'yi hanyaka yi ta khomelela ku ri tiyisa. Mirhi le'yi fanaka ni nkanyi, simombyane, sirhomberhombe, nhlampfu, ni minwana le'yo tano yi byariwa hi ku tsema mhandze yi tseleriwa. Rinetlwia ri endla rinhlampfu le'ro tiya ngopfu, le'ri sivelaka ni valula e ku enghena e mutini loko va hlasela.

2. Hosi Nghung hunyani o tsha u a ya hlasela e ka Maluleke. Muti wa kona a wu bi iwile hi rinetlwia ri ya fika e nambyeni wa Vembe

2 Conf. tlhelo ra hala ni hala, ku suka e nyangweni ya muti ku ya fika e nambyeni; kutani laha nyangweni va biyile hi timhandze le'to tiya laha mmhu a nga swi kotiki ku enghena hi ku olova, va siya Širhuva ni nyangwa swi pfariwa. Loko nyimpi yi fika, vavanuna a va ri e hubyeni va ri karhi va yi langutele. Va khomile mavurha, vanwana va ri karhi va hisa miseve le'yi pomiweke vutsula. A fika a yi nyikela yena mufambisi wa yona. Vandla le'ra matimba ra vurhena a ri komba e nyangweni, rinwana a ri komba e Šineneni, rinwana e Šimatsini. Sweswo-sweso mavandla hikwawo ma ko ma halela.

La'va le sangweni va ringeta e ku enghena hi ku khandziya, ni ku khokhovela; kambe hikwavo la'va nga ringeta sweswo a a vo tlula ni nseve lo'wu humaka e ndzilweni wu tswukile wu lo dzwuuu, wu kota ku tlhava Šitlhangu wu ya huma hi hala wu vavisa munhu. Hikwavo la'va nga ringeta ku lava ku enghena va tlula ni nseve va wela e handle va fa hi vunyingi le'byikulu. La'va nga famba hi rihlampfu vo mbemba na rona va ko va ya fika e nambyeni va tlhela va vuya va nga kumi ko enghena ha kona hikokwalaho ka rinetlwa. Loko va fika laha sangweni vo kuma ku lo nwatalala hi mitsumbu ya vanhu la'va feke ni la'va hlalaka. Loko va vona swi ri tano, va suka hi ku tsutsuma va vuyela e kaya ka vona. A va ha swi engetanga ku ya hlasela e ka Maluleke.

2. Nyangwa (Sangu). E sangweni ku tšeleriwa e timhandze ta mirhi le'yo tiya le'yi tekaka e nkarhi wo leha yi nga si bola, nwamudzumba, mondzo, nkaya, (ndzedze), Šiluvarhi, muluva ni munwana le'yi fanaka na yona. Nyangwa ya Pfariwa ni madyambu yi pfuriwa ni mišo. Sirhuva sa nkulukumba ſi kona e ndzaku (mahosi) e rinhlampfini laha nkulukumba wa muti a nyengaka ha kona loko a swi rhandza, tani hi loko ku fika munhu, a nga lavi ku vonana na yena wo byela vanhu ſoxk leswaku va byela munhu loyi leswaku a nga kona, yena a suka a ya hunu hi Širhuva leši!

3. (a) Sivala ſa(tshanga ra) tihomu. Na ſona ſi biyiwa ku

kotisa rinhlampfu ra muti. Ha kanyingi timhandze ta rona-(leta mahari-swiphandze) to tšeleriwa, tinwanyana ta mirhi le'yi nga hatlisiki ku bola, le'ti kumekaka kusuhi ni ndzhawu leyo, ti khotlekeriwa (khwagela). Ku na le'ti pfalaka tshanga, (miphiningedzo) tona ti siyiwa kwala nyangweni ta pfala ni ku susiwa (pfula).

(b) Tshanga ra(sivala ſa) timbuti kumbe tinyimpfu. Rona ra fuleriwa, leswaku swifuwonyana leswi swi nga neriwi hi mpfula tshanga ri tala ndzhope swi ta bola swinyondzwana, swi khwita, swi fa.

Sitlati hi laha ku tšheriwaka kona e mavele ya swifaki; (ſi vitaniwa na swona (ſipungu) loko ma huma e masinwini. Sitlati ſi akiwa lembe rinwana ni rinwana; kambe vanwana va tiyisa loko va aka, hikokwalaho lembe le'ri tlhandlamaka vo hlakarheta. (ku ſi pfusa)

Ku akiwa ka ſitlati. Ku dzimiwa(toka) timhandze kumbe ti tšeleriwa hi laha munhu a rhandzaka ha kona. Ku tšeleriwa ni swiphandze le'swi tlakusiwaka ku ringana e sandla ku suka e misaveni leswaku muhlwa wu ta voniwa loko wu lava ku khandziya wu dya e mavele. Ku bohiwa e rivalelo le'ro tiya e henbla ka swiphandze leswi; hi ro a rivalelo leri le'ri rhwalaka e minaneko, leyi yi nga yona yi rhwalaka e mavele la ma tšheriwaka lomo. E henbla ka minaneko leyi timhandze ti bohiwa hi timbalelo le'ti khomaka e tinhlanga kumbe nhlanga kumbe tshenga. Loko swi herile, timbalelo ti tiyisiwile hi ku boha hi byewu le'byo tiya, ku andlaleriwa byanyi loko ma ri mavela la ma vandleriweke; loko ma nga vandleriwanga a ku andlaleriwi ntšhumu. Nwahuva, makhaha, maſalani, ſivelenhlampfu, ſikombe ni swinwana le'swi fanka na swona, swi tšheriwa e matshaleni. Matshala wona ma akiwa e masinwini.

Huvo. E hubyen i ku ni ſitiko le'ſi akeriweke hi mari- bye, ndzilo wu tshiveriwa e ſikarhi. Ku ni swintsandzana

4

swo tshamisa e henhla ka swona. Vanwana va tol'vele ku ntluntlama. Tihunyi le'ti tshiveriwaka e hubyeni ti rhoteriwa hi vafana. Loko mufana a nga vuyi na tihunyi wa switiva le'swi nga ta humelela; hikokwalaho va lava/tihunyi hikwavo vafana.

Risimu ra kona hi leri: "Khuni ntšee, hi ya kaya ka manana". Lawu kumbe nhanga i yindlu laha ku etlelaka kona madjaha kumbe vanhwanyana.

Dulu hi laha ku tšheriwaka kona e timbewu, mavele ya swifeki, mphoho, tindluwu, timanga, mpunga, tinyawa, ni swinwana ni swinwana. Timbewu leti ti nga ha tšheriwa e ndzeni ka ngula, kumbe e ndzeni ka Šitendza. Dulu ri akiwa tani hi Šitlati; ra phamiwa ni ku fuleriwa tani hi yindlu.

(a) Yindlu hi laha vanhu va hanyaka ni ku etlela kona. Timhandze ta tšeeleriwa, kumbe ti dzimiwa(toka); ya valeriwa, yi tšheriwa nhlanga, kumbe tshenga, kumbe timhandze le'titsongo (mabaša), kutani yi phamiwa. Yi vuyetiwa kambirhi kumbe karharhu leswaku yi tiya ni timbalelo ti nga vonaki. Makhumbi ma tšutšutsiwa lembe rinwana ni rinwana . E hansi ka biwa (tšayiwa), yi rhideriwa. Ku rhidela: Yi sindziwa hi Širhuvu, yi latiwa hi Širibyana le'šo ntswkulungeka. Loko yi vupfile, yi sindziwa hi vulongo bya tihomu.


Lwangu ra yindlu ri akiwa hi timhandze, mabaša, ni nhlanga swi bohiwa hi mapindza yo lukiwa kumbe hi byewu, ngopfu bya munga. Ha kanyingi lwangu ri akeriwa e hansi, ri tlatlekiwa loko ri herile; ndzhaku ku fuleriwa hi byanyi bya nwamfulelayindlu. Ku lukiwa e makenya hi byanyi lebyi, ma tsondzeriwa. Loko yi fikile e makumu, ku tlhomiya Šihlungwa. Yi herile. Byanyi bya rišaka rinwana bya tirhisiwa loko lebyi byi nga ri kona kumbe byi nga rhandzeki. Sipfalo (rivanti) Ši endliwa hi nsinya lo'wo olova, tani hi nkanyi, Šimuwu, nkuhlu, musendje, ni yinwana, kumbe ri lukiwo hi nhlanga.

709

K24 / 11

Loko wu ri murhi, nsinya lowu wo tsemiwa, wu pulukanyiwa ku

tlulanyana ku leha ka ~~minwani~~ trindziyela ka rivanti  
Batale li fikela e minwani ku trindziyela ka rivanti



\_\_\_\_\_, amendo na yimbiwa ni ie nozeni ka  
yindlu, ku huma ngoti leyi bohiwaka e Šikarhi ka rivanti, yi endla  
tingoti timbirhi laha ku nga ta enghena mugogo wu hingakanya  
nyangwa hi le handle. Rivanti le'ro luka ri pfala na Šona e  
Šivava.

9(b) Šivava ſi biyelela ndyangu ku sivela moya ni ſirhami, hikuva hi laha vanhu va tshamusaka kona; na swona e ku sivela tihuku ni tinguluve ni swinwana e swifuwo e ku dya le'swi vekiwaka kona, hambi ku ri e ku faya e timbita ni swinwana e swibya. I ntirho wa vavanuna e ku aka Šivava; kambe na vona vavasati va wu tirha. Maakela ya Šivava ma fana ni maakela ya yindlu. Sa tshayiwa-(biwa) ſi rhideriwa, ſi sindziwa hi vulongo bya tihomu tani hi le ndlwini.

## An incident.

Khale loko timpfula ta ha na hi fanelo, misava ya ha kota ku hlayisa e mati, a ku ri ni swibawa(swibodlho) le swo tshavisa e ka Tsatsawani(hosi leyi ya kile kusuhi na le Duivelskloof). Va ka Nkuna (va ha fumiwa hi hosi Shilubana) Va yila va ya hlasela tiko leri; a va fambisiwa hi Mudjekedjwa. A va nga ri tivi tiko leri. Loko yi ku hemu (Ku hlangana yi lwa) valala lava va endla swo ngi vo tsutsuma, va kokela va ka-Nkuna e tlhelo ra swibawa leswi. Loko va vona leswaku va le, ſikarhi ka swona va tlhela hi matimba, hi

vunyingi, va susumetela va ka-Nkuna e swibodlhweni leswi, ku fa lavo tala ngopfu hi ku mbombomela. Loko e tinyimpi ti mukile e kaya, ku kumeka leswaku vavasati la'va feriweke hi vanuna e nyimpini va tele ku tlurisa, hosi yi veka nawu leswaku swivava swi akiwa hi vavasati, leswaku vafelwakazi (va nga vavasati la'va/feriweke va nga ti vona e vusiwana bya vona ngopfu.

## 9(b)

2 Sivava ſa vumbirhi hi le'ſi biywaka hi tihunyi. Vavasati va rhotela tihunyi va veketela hansi ku rhendzela ndyangu. Ku tſeleriwa timhandze ti yima ku ringana ku leha ka munhu, kumbe e hansinyana, hala ni hala, le'to nanekela ti veketeriwa e ſikarhi, ti ko ti tlakuka ku ya fika kwale ku helaka e timhandze liti tſeleriweke.

9(c) Ndyangu hi laha vanhu va tshamisaka kona e ndzeni ka ſivava. Ka sindziwa ku saseka. Vanhu va etlela kona loko ku ri ni nyuku e tindlwini Dulu, ngula, ſitendza, i vuhlayiselo bya timbewu. I swibya swa le handle leswi; kasi ku na swibye swa le hansi ka misava - nkundla. (mealie Pit).

## Mintirho ya Vavanuna

Ku dlaya tinhlampfi - (fishing) or killing fish.  
 Tinhlampfi a ti endla e swakudya e ſikarhi ka Vatsonga,  
 A ti phasiwa hi tindlela le'to tala Hi ta kamba laha e tindlela tinwana ta tona.

## 1. SOLE.

Sole ri rhiyiwa e ndzeni ka mati e ku phasa e tinhlampfi. Ri lukiwa hi nthlanga. Ri fana ni sirhanga kumbe e nteve ku lukiwa ka rona. Ku lukiwa e ſitlhandla ſi vekeriwa rhengwe laha nonwini wa kona, hala ndzhaku ri hlanganisiwa kunene. Ku na le'ſitsongo e ndzeni, ſona tinhlanga ta ſona ta hambana

le ndzeni, leswaku loko nhlampfi yi enghenile yi nga ha swi koti ku tlhela. Sole ri phasa tinhlampfi to tala hi nkarhi kumbe ſikanwe.

2. Sirhanga

Sirhanga na ſona ſi endliwa kukotisa sole. Matshanweni yo hlanganisa hala ndzhaku ſo bohiwa kunene. Sona a ſi rhiyiwi, munku/<sup>n</sup> wo dlomuta, loko a phasile kumbe a khomile u to yi twa kutani a khoma.

3. Tavala kumbe vutavala.

Rona ri lukiwa hi tingoti le'to lala; lomu makumu ku vehe-riwa tinhlanga kumbe e timhandze, --- e tinki le'to leha leswaku ti ri tiyisa. Laha makumu tinki leti ti hlanganisiwa ku boheleriwa rini ro khoma ha rona. Rona munhu wo famba a dzima kutani loko tinhlampfi ti ku ti hambana na yena ti tsutsuma to nghanisa tinhlo-ko, loko ti ku ta tlhela to khomiwa malaka.

4. Nkukuto (ku kututa, kumbe ku tsheva)

(a) Ku ni ſimudyana le'ſi fanaka ni musuzwana le'ſi vuriwaka bvimba, ku tshoviwa switluka swa ſona swi veketeriwa ku hingakanya e nambu. Loko swi hlangene va vona leswaku swi tlakukile ku ringana, va sungula ku kukuta kumbe ku tsheva. Loko va fikile laha va vonaka leswaku va khomile, va vuyela tlhelo ti susumeteriwa e ribuwini, ti humeseriwa e handle.

(b) Ntſeka (kumbe le'ſi nga nguvu) wa tirhisiwa, nwana a khoma hala nwana hala, va fambisa ſisweswo va ri karhi va kukuta, loko va phasile va tsavula.

5. Ku tſopa hi ntlhavo.

Lebyi i vuha. Nseve wa kona i ntihavo le'yo leha yi lume-riweke e rihlangeni ro koma. Swi fanela ku lundziwa swinene leswaku rihlanga leri ri nga ti arisa nseve kumbe ntihavo leyi e ku nghena e matini. Loko munhu a vona e n lampfi wo fula. Swi endliwa e matini la'ma tsongo.

## 6. Ku-Nyuva(dive)

Munhu wo nyupela a ya hansi a khomile ntlhavo ni mfundzu--- (ngoti yo hulela e ka yona). Leti a ti vonaka wo tlhava a hulela e mfundzwini. Loko a tshuka a hlangana ni ngwenya wo tlhava nhlampfi a yi nyika, a ri karhi a famba a ya e mahlweni a ko a vona leswaku mfundzu wa yena wu tele a huma e matini. Loko munhu a huma kona mahlo ya yena ma vonaka ma karhatekile swinene hi mati; na yona mhaka yo hefemula i mhaka leyi la'va namutlha va nga kotiki ku yi twisisa; kambe a swi endliwa, swa ha endliwa ni sweswi kwale matikweni ya milambu le mikulu.

## Vembe (Limpopo River)

## 7. Ku pvopyisa (dakwisa)

Loko mativa ma ri ni mati mataanana kwale matikweni ya Va-Tsonga, a va dlaya tinhlampfi hi ku ti pyopyisa.

(a) Ku khandliwa makamba (mahanti) ya nšungunšungu ma tšheriwa lomo e ndzeni ka mati, va dunga (hakasa) mati leswaku ma hlangana ni murhi lowu. E ndzhaku ka nkarhinyana tinhlampfi ta pyopyiwa ti sungula ku phaphama, va tsavulela.

(b) Swa ha fana ni lo'wo rhanga, kambe murhi wa kona i phombye. Rhanga ra wona ri fana ni ra dema, ra khandliwa na rona ri petiwr kona e matini. Ndzhaku ka nkarhinyana ta pyopyiwa, ti phaphama, va tsavulela.


8. TIVE. Tove ri fana ni rindzovo le'ri lumeriwaka e nhogeni le'yi ringanaka ku leha ka munhu. Laha rindzovo ri tlhomiwaka ku fika kona, ku sala Šiphepherhele, ku lundziwa ringoti le'ri boheleriweke hala tlhelo rinwana ra nhonga.

Na kona ra lundziwa. Vanhu va enghena e Šidziveni va tele, ku suka tlhelo rinwana va kongoma ka rinwana va tamele matove, va famba va ri karhi va hakasa hi wona e matini, va ri karhi va tlhava leti va ti kumaka. Loko nhlampfi yi tlhaviwile yi ringeta ku tsutsuma, yo blomula nsimbi

munhu a sala a khomile nhonga a ko a ha yona.

Ntirho lowu wu ni khombo hikuva nkarhi wunwana vanhu va tlhavana, kutani leswi tove ri nga ni ngove, vo Šeka tinya-ma leswaku va kota ku hlomula; na swona a swi endleki ku famba munhu a ri swakwe a ya hakasa, hambi va ri vambi-rhi tinhlampfi ti ngo hambana na vona ti ya tlhelo ri-nwana; kasi loko va tsangile a ti na laha ti nga va hambukaka ha kona!

9. Rindzovo i ro ringela ha rona, (ku tlomutela) ri hambana ni tove hi leswi ri nga hava mutwa hala ndzhaku. Kwalaha ka Šiphepherhale hi kona va lundzaka ha kona.



ga tshinetiwa. So dyisela. Swidluwani, mindz ungulu, swi nga dyiseriwa hi vuswa, kasi n lampfintšila, gentle, (nwagere, gentlwani) nwenge ni rimbalc swi dyiseriwa hi nyama---nšikwa, mintlambya, timbeva; dzagwa ni ſihoko tona ti phasiwa hi sole, a ti dyeli. Nwenge ni sihoko ti leva ngopfu.

#### Ku hlota swihari. (Hunt)

Loko ku ya hlotiwa, ncina ya rhambiwa. Vanhu va muganga va byelana lwswaku hi siku ro karhi va huma va ya hlota. Hikwavo la'va nga ta huma va tilungisa. Majaha, vafana, vavanuna, va tilungisa, ku tekiwa mi teve, mavurha, matlhari, swigya ni timbyana---(va hlakarheta, va kunga, va lota ni ku entshemurisa). Loko va ku mundzuku hi ya hlangana e ndhawini yo karhi, kunene va ta ya hlangana kona wa ha ri mišo swinene. Thaka yo rhanga ku hlawuri

uu

mulotswi (mufambisi wa timbyana hi noti ni khwela). Va sungula ku hlotla wa ha ri mpundzu swinene, vutila bya swihari byi nga si unguka, timbyana ta ha swi kota ku landza. Va vona miso o ya tinhle ti va siva hi minteve, va yi ni mavurha, ni matlhari, timbyana tona ti sungula ku hlotla. Va tšopa, va tlhava, va ba hi swigiyi (swigombo); tinwana ti enghena e minteveni ti phasiwa, ti dlawia. Tinwana ti tsutsumela e handle ti enghena e swihlahleni, va hlongola, va tsanga (rhendzela) Šihlahla. Tlhelö leri yi humelaka ka rona ra huweleriwa--- Hi yoleyo, e Vušeni, Vupeladyambu, Nwalungwini, Dzongeni. Wa tšho-- ndzi dlele, ndzi wa marhwala, (huhula). Yoloye u ta rhwala. Loko yi yevuriwa u ta huma ni Šikonokono ni ntšila loko yi ri nhleti; kasi loko Ši ri Šihari lešikulu u huma na Šihlana kumbe e voko. La'vanwana va kuma minhluvi yo va lawula ha yona. Loko Šihari Ši tlhaviwa Ši tsutsuma Ši hlongoriswa, nwini wa mbyana le'yi nga ta ya Ši khoma u ta huhula Širho--- voko. Loko ku hlotla ku herile va va e nambyeni va ya hlamba, va muka. Va hlengeletana e mutini unwana lowu va nga wu hlawula, va ya/ya sweka kona mikuva ya tinhleti ni swioso swa swihari le swikulu--- swivindzi, tinhla ga ni swisohesche swi dyiwa hi vakulukumba; va ri vafana loko va dya swora va nga endla mintlunya va nga koti ku dlaya swinwana swihari.

10 Loko va hangalaka, la'va nga dlaya ngopfu va pambulela la'va nga dlayangiki ntšumu, va nga ti tshuka va endliwa maswele; swele: ku vuriwa munhu lo'wo ka a nga koti ku dlaya swihari. Ha kanyingi munhu lo'wo tano va ri u khumile; tinhonga, ni matlhari ni swinwana leswi a swi tirhisaka swi tlulatluriwa hi vavasati! Hikokwalo ku vekiwaka siku ra le mahlweni ro huma ncina leswaku vanhu va ta tibasisa va teng. Timbyana le'ti nga kotiki ku landza vutila ti dzahisiwa e Šibaha, ti entshemula.

Loko ku dlayiwile Šivardza (yingwe kumbe nghala) swioso swa siku lero swi ta ya dyeriwa e ndhuneni (ndhuna). Siku leri ku fambiwa hi muhuvo, ku yimbeleriwa risimu ra hosi; (Wena okuyeka inqabazo-mkhonto---hama ha).

134/11

Vanhu loko va twa e risimu leri vo swi tiva Šikanwe leswaku ku dyayiwile e Šivandza, kwalaho vavasati va ba mikulungwani.

MADZIYO ( kurhiya swihari)

Swihari swi rhiyiwa hi vavanuna, hikokwalaho hi nga si fika kona hifanele ku sungula e ku sunguleni. Vafana va sungula ku rhiya va ha ri vatsanana; va kula va ri karhi va tolovela ku rhiya. Vanwana va teka vudzimba kwalaho. Vafana va sungula hi ku rhiya ni ku phasa swinyenyana. Swinwana swa swona hi leswi: swindzingiri, tinkaka, masowa, (madjekerhwa), ndzeyana, matuva, ni swinwana leswi hi nga ta swi vula e ndzhakunyana. Loko va kula va ri karhi va tolovela ntirho lowo va ta kokela leswaku va ko va ya va vadlayi va swihari.

Swindzingiri swi rhiyiwa e swisakeni swa swona. Rigoda ra kona ri pimiwa hi ku enghenisa Šintihwana le'šitsongo, hi Ši ringanaka nhloko ya Šindzingiri. Ku tala ku rhiyiwa hi vugoda bya tihomu. Rigoda loko ri lukiwile (swuriwile), ri endliwile e vurimu, ri boheleriwa e rinhini kumbe e ritlhongweni, kutani rindi leri ri tlhomowiwa e ku hingakanya e nomu(nyangwa) wa Šisaka, rigoda ri sala ri nembelele kwala nyengweni ri lunghisiwa swinene loko Ši ku Ša enghena | Šo nghena na rona. Loko Ši ku Ša huma rona ri ri e nhanwini Ši phasiwile.

Vakhale va te (Nhlapfhi ni ya mangheno), kutani loko mufana a phasile Šinyenyana Ši fanele ku nyikiwa tata wa muni. Ni leswaku Šinyenyana Šo rhanga Ša vudzimba bya yena hi Šona le'Ši nga Ša tata wa muni! Loko tatana a oša ni ku dya e Š nyenyana leši a nga Ši dlayeriwa hi nwana wa yena hi nga anakanya ni ku twisia e ku tsaka lo'ku nga kona e mbilwini ya yena; na kona hi nga twisia ku tiphina hi ku tsaka lo'ku nga na mufana loko a vona tata wa yena a dya e Šinyenyana leši a tivaka leswaku hi yena loyi a nga nwi dlayela Šona!

Ntaka loko yi ri e Šisakeni yi rhiyiwa hi rigoda leri ri ringanaka e ku enghenisa khudzu(ritiho le'rikulu). Rigoda ri boheleriwa

e rinhini ri tlhomawa ku hingakanwa e nomu(nyangwa) wa ſisaka; rigoda rona ri sala ri ri karhi ri nembelela ri sivile nomu. Loko ſi fika ſi enghena ſo enghena na rona, kumbe loka ſi nga phasiwa loko ſi enghena ſi nga phasiwa loko ſi huma.

Tinyenyana hikwato le'ti thelaka ti tala ku rhiyiwa hi switse-ndzele. Sitsendzele ſi endliwa hi nkhavi lo'wu petsiwaka wu endla rhengwe. Rhengwe leri ri phambhiwa hi tingoti hi laha swi vonakaka ha kona e ſifanisweni, masuku ku boheleriwa vugoda le'byo koma kumbe le'byo leha ku ringana swinyenyana le'swi rhiyiwa le'swi thelaka e ndzhawini yoleyo. Kambe vugoda a byi hlawuli, le'ſikulu ſinyenyana ſi nga phasiwa nenge hi rigoda le'ritsongo, kumbe ſi phasiwa e nhamu hi rigoda le'ri kulu le'ro leha.

Laha ſi rhiyiwa kona ſitsendzele hi laha ka misava le'yi ntshunſekeke; ſi tshikitshiwa e hansi ku sala ku vonaka e vugoda ntsena. Vugoda lebyi byi endliwa hi vu djhindjhi bya tihomu. Loko ſi tshikitshiwile vugoda bya yimisiwa leswaku loko swinyenyana swi famba-famba kona swi ta phasiwa. Ku tsheriwa swo vitanisa leko swi thela e rivaleni. Loko swi thela e ſivuyeni ſi tshikitshiwa e mungwini wa mavele vugoda byi sala byi te dzavanana, byi la nguteli le'swi nga ta ta swi ta byi pfuka. Loko tinyenyana ti ta e ku handzeni ta phasiwa...Natuva, ndzeyani, tinwari, ni switsatsatsa.

Nkarhi wunwana loko rikhozana ri vona ſinyenyana ſi buba ri tala ku ya kona ri lava ku ya kulula (teka nyenyana le'yi phasiweke) ha kanyingi na rona ri tala ku phasiwa, ri dlawa.

Nhlakahla(Šiyakayani, Širhakarhani)i vana va ſimudyana ſinwana le'ſi tsondzelaka minwana mirhi. Si veka e vana la'va fanaka ni marhakarhaka, kambe va ni swibundzwane. Loko swi vupfile swo tswhuka swi ku dzwuuu; na swona swi dyiwa ngopfu hi tinyenyana leti: Bokota(byitana, phyandlana) nkorho, myakayaka, nkwenyana, khwezu,

12conf ndlhazi, ni swinwana le'swi fanaka na swona. L ko vafana va vona swirhakarhana swi sungula ku vupfa, va kha hikwaswo va ya tslela e hansi masuku swinyenyana lesw swi sala swi swi pfumala. Kutani va kuma ntarhi wo rhiya. Va teka swinwana swa swona swirhakartani leswi, va ya rhiya hi swona. Va rhiya hi leswi va nge i swiyindlwana(rinhi le'ri pandziwaka ri engeteriwa tinwana, ku vekeriva Širhakarhani e Šikarhi, ku bohiwa henbla ni le hansi, kutani ku siviwa ttinyangwa le'ti saleke hi vugoda, kumbe ku rhiyiwa hi ntlhamu. Swirhakarhani leswi swi ha ekiwa e henbla ka mirhi. Na wona ntlhamu wu rhiyiwa hi ku hundlela nkhavi wunwana lo'wu nga ta va ntlhamu, ku tlhomiya Širhakarhani e rinhini Ši tsemiwa hala henbla kutani ku rhiyiwa ntlhamu lowu mantantana wa wona a hundzaka kwala henbla ka Širhakarhani. Loko Šinyenyana Ši vona Širhakarhani ku tswhuka Ši ku Ši ya e ku dyeni, loko Ši tshamisa e henbla ka mantantana ntlhamu wu to watšhuka, Šinyenyana Ši phasiwa. Mintlhemu leyi ni swiyindlwana le swi swi rhiyiwa swi sukeriwa, munhu a ta hi ku ta kamba. Loko swi phasiwile va kulula va tlhela va rhiya kambe. Kambe leswi swa hlwela. Ndlela yo hatlisa hi loko va rhiya tlhelo rinwana, va suka va ya hlongola swinyenyana swi ya hala va nga rhiya kona va sala va rhiya hala kunwana. Loko va ya kulula hala swi ya hala va nga rhiya kona; loko va ya kulula hala na kona swi a hala ku nga rhiyiwa na kambe. Swi fambisa sweswo-sweswo, va phasa le'swo tala hi ndle a yoleyo.

#### Vurimba

Ku rhiya hi vurimba swi lava ku fana ni ku rhiya hi swirhakarha ni. Vurimba vuna va murhi wunwana lo'wu milaka e tintshaveni ta lomu ka tinkanghala. Vana va kona va x fana ni tindzoho, swirhungulutwana. Loko byi khiwile, bya phonyeteriwa tani hi tindluwu. Kambe khamba ra x kona ra nononwha, kutani loko ri fayiwile, le'swi nga e ndzeni hi oyona vurimba. Loko ku rhiyiwa hi vurimba ku tsondzeriwa rinthi hi vurimba, kumbe ku tsondzeriwa riblamalala, kutani ri ya vekiwa laha swinyenyana swi tshamisaka kona - e byanyini, e mirhini ni le swi midyanini laha swi tshamisaka kona

709

K 24/11

13 cont. loko swi lava ku thela, e ndlawini yinwana kumbe ku nwa mati e nambyeni. Loko munhu a rhiya ndzeyani wo languta laha yi tshamisaka kona e byanyini a boha mafundzu, kutani a vitanisa hi khwela. Loko yi fika yi ku mbili, le'swi nga tshamisa e henbla ka vurimba loko swi ku swa suka vurimba byo namarhela milenge; masuku loko swi buba byo namarhela ni timpapa (tinsiva ta timpiko) masuku swi phasiwile swi to dzooo. Loko munhu a veketele tinhlamalala le'to tala, u phasa e swinyenyana swo tala hi nkarhi. Swa endleka le-swaku munhu a rhiya hala ni hala--- hi leswaku a rhiya e tindhawi ni to tala. Loko swi ya tlhelo rinwana le'ri rhiyiweke ku ta ya sala swinwana, loko munhu a ya ka tlhelo le'rinwana ku ya kulula swi ta hahela e ka le'rinwana, kutani hikwako laha swi fabelaka kona ku sala swihwana. Hi ndlela leyi munhu wa swi kota ku tata e mbita hi swinyenyana. Vurimba bya swi kota ku rhiya e swisakeni ni le mirhini ya mihandzu tanishi--- Sirnomberhombe, nkuwa, ntoma, nhlampfu, nyiyi(nyiri) ni minwana mirhi ya mihandzu le'yi dyiwaka hi swinyenyana. Loko rihla alala ri te pyiii hi tinsiva, ti nga ha suseleriwa ri tlhela ri rhiya. Kambe loko swi vonaka leswaku vurimba bya kona byi herile matimba riblamalala lero ro tsukumetiwa. lala lero ro tsukumetiwa.



rhiyiwa e matshangaveni ya timanga.

Loko munhu a rhiya e henbla ka murhi e sisakeni u languta nkhavi lo'wu nga e kusuhi ni ſisaka a wu hundlela ni ku wu khutulela masuku a bohelela rgoti e makumu a rhiya ha yona. Swi endliwa ngopfu e ka swisaka swa matuva, mabokota, ni swinwana swinyenyana le'swi aka a swisaka le'swo ahlama. E swisakeni leswi mantantana wa kona u fanle ku tsemakanya ſisaka leswaku loko ſinyenyana ſi ku ſa tshamisa ntlhamu wu to watshuka. Na kona loko ku rhiyiwa hi

709

K 24 / 11

Širhakarhani ſo tsemiwa hala henbla ſi tlhomia e phanyini masuku ku rhiyiwa/ ntlhamu, rithathe (mantantana) ri tsemakanya e henbla ka Širhakarhani. Loko ſinyenyana ſi fika ſi tshamisa e henbla ka mantantani ntlhamu wu to watshuka wu ſi ntswinya (phasa). Loko yi ri le'yi rhiyiwa e hansi yi angamela tin enyana hikwato le'ti dlodlomaka. Yona yi rhiyiwa e matshangaveni ya timanga. Kona ku nga vitanisiwa hi tindzoho ta mavele ni timanga. Na kona ku nga rhiyiwa e mafusini, ku tsuvuleriwa ku endla swindledyana, masuku mintlhamu yi rhiyiwa kona.

Tinghoda ti rhiya ttinyenyana hikwato le'ti dlodlomaka. Switsatsatsa tinwhari, timhangela, ni tinwana ttinyenyana le'ti fanaka na tona. Ni lomuka tindlela le'ta khale ta dlodloma, hikokwalaho munhu wa swi kota ku rhiya kona. Tinghoda ta kona a ti fani, ku ni le'tikulu, le'ti tlakukeke ku ringana ttinyenyana le'titsongo ku ringana ttinyenna le'titsongo. E tindleleni leti ku famba ku tšukumetiwa tindzoho ta mavele--- swifaki, mašalani, Šivelenhlampfu ni manwana mavele. Loko nyenyana yi tshuka yi vona ndzeho yi tšovolota yi ta landzisa swwesw yi ko yi ya fika e rigodeni yi phasiwa. Mhangela yi tlharihile ngopfu; a yi tali ku phasiwa, hambi swi ri tano, ngopfu loko rigoda ri rhiyiwi e khale, ya ntswinyiwa (phasiwa).

ri rhiyiwile khale, ya ntswinyiwa(phasiwa).



Tinšaka ta mintlhamu leyi va yi tirhisaka ku rhiya e mimpfandla ti tele. Ku ni ntlhamu wa Šitlhandla, hi leswaku mantantana wa kona i Šitlhandla. Loko upfundla wu ta wu ri karhi wu khana, wu tsutsuma hi Šindledyana le'ſi sasekisiweke, ſi nyunyeteriweke ni nkuma matlhele mambirhi ya ntlhamu, wu fika wu nghena wu ba Šitlhandla ntlhamu wu watsuka wu wu ntswinya, hambi mikolo kumbe ſisuti. Ntlhamu lo'wo tano wu ni tingoti timbirhi le'ti endliweke vurimi,

709

K24/11

tona ti hlanganisiwa tlhelo le ri ku nga ta bohele riwa e mbandzeni ya ntlhamu. Loko wu rhiyiwile ngoti yinwana yi siva nyangwa yinwana, ngoti yinwana yi siva nyangwa yinwana. Sitlhandla ſona ſi le ſikarhi. Swa endleka nkarhi wunwana leswaku mpfundla wu phasiwa hi tingoti timbirhi yinwe e nhanwini yifnwe e ſisutini.

Ntlhamu lowu ku dzimiwa kumbe ku beriwa tinhī ta mune timbirhi hala ka ndlela timbirhi hala ka ndlela. Mhandze ya hala ni ya hala ti hlanganisiwa hi timbalelo timbirhi, kutani loko ku rhiyiwa ngoti yi hundza e ſikarhi ka timbalelo leti leswaku loko ntlhamu wu watſhuka wu manycla e mpfundla kona. Loko wu ri ntlhamu lo'wu nga ni matimba swinene, mpfundla wu fa ſikanwe wu omela kona. Loko munhu a ya e ku kambeleni wo vona hi ſisuka pesuu. Timhandze leti timbirhi ta timbalelo e henhlā hi leswaku wu nga ti kota ku hundzuluka wu luma hi meno wu tsema ngoti.

Timhungi, tinhlangu, ni timbavala ti rhiyiwa hi tinghoda. Tinghoda ta kona ti fana ni ta tinyenyana le'ti dlodломaka. Swi hambene ntsena hi lwwi swihari swi nga swikulu kutani na tona tinghoda ta kona ti fanelaka ku va le'tikulu. Mintlhamu na yona ya tirhisiwa ku rhiya ni ku phasa swihari leswi. Loko ntlhamu wu ri ni matimba wa yi khunga mhungi, wa yi khunga mbavala, wa yi khunga nhlangu. Tinghoda ti rhiyiwa e mintileni lomu swihari leswi swi fimbaka kona. Swi phasiwa e e nhamu (ri tlimba e mikolo). Loko ſihari ſi ri ni nkwickwirimba ra tlimba ſi fa.

Swihari leswi ni swinwana le'swikulu swi phasiwa kambe hi ndlela ya marindzi la'mu dzimeteri weke e maphanyi le ndzeni, maphanyi (mintlonga) mintonga--Zulu origin) lawa ma vatliwa hi mirhi leyi--nsimbiri ni nšanatsi. Ku tšeriwa rindzi ri hingakanya laha swihari leswi swi fimbaka kona. Misava yi tšukumetiwa e kule swinene. Mintlonga le'yi pomeweke e vutsulu yi tlhometeriwa kwale a ndzeni yi langutile e henhlā leswaku loko ſihari ſi wela lomo ſi wela e henhlā ka phanyi ſi tlhaviwa.

709

K24/11

Loko ſi ri ſihari le'ſikulu hambi ſi ngo kota ku huma ſi famba ſi ta la dziwa ſi ya kumiwa laha ſi nga fela kona. Le'ſitsongo ſona a ſi ki ſi ringeta ku ya heho (kule), ha kanyingi ſo omela kwalaho. Mintlonga leyi yi nga rhiyiwa ni le masinwini. Nsimu yi fanele ku biyiwa swinene hi rihlampfu le'ri yi rhendzelekelaka. E rihlampfu leri a ri fanelanga ku fana hikwako, ku fanelia ku va ni lomu ku fambaka ku phovorhela. Ha kanyingi loko ſihari ſi fika ſi kuma leswaku ku biyiwile, ſo famba hi rona ſi kamba ni ku ſiyisisa loko ſi nga kuma laha ſi nga enghenaka ha kona. Loko va vona laha ſi tlulelaka ha kona va tlhometela mintlonga hi le ndzeni, leswaku loko ſi tlulela ſi /ta ya wela e henhla ka ntlonga (ntonga). Kunene swa endleka leswaku loko ſi ta ſi fika ſi tlulela ſi ta ya wela e henhla ka ntlonga ſi tlhaviwa, Masuku loko ſi ko ſo tlhaviwa hi k kona ku hela ka ſona.

Loko swi ri le'swi fambaka hi mintlhambi, loko munhu a langutile a kuma laha swi tlulelaka ha kona u to tlhometele yona mintlonga (maphanyi lawa ya mirhi le'yo tiya-- nsanatsi ni nsimbiri. Ndzingba loyi a nga rivali ku poma mintlonga ya yena hi vutsulu hikuva e handle ka byona a nge tali ku kuma ntshumu; hikuva hambi ſi lo tlhaviwa ſi nga famba kutani ku nga humeleri ntshumu, kasi loko phanyi ri totiwile (poma) vutsulu hambi ſi famba ſi ta ya fa.

Mintlonga leyi ya swi kota ku dlaya na yona ndlopfu. Hambi leswi ſi nga ſihari le'ſikulu loko ſi ko ſi tlhaviwa a ka ha ri na ndlela yinwana loko ri nga ri rona rifu ri nga ta tsema e timhaka.

Nsimu le'yi rhiyi-  
weke mintlonga.

Ndlela yinwana yo dlaya e swihari hi mari-ndzi la'ma rhiyiweke e mintlonga(mintonga Zulu) hi leyi: Loko marindzi ma tſeriwile mintonga yi pomiwile vutsulu yi tlhomete-riwile e ndzeni ka khele ri va ri funengetiwa hi byanyi, vahloti va ya va ya hlongoriswa swihari va swi kongomisa kwale ku nga na ma-

709

K24/11

rindzi leswaku swi ta ya wela kona va diaya. Kunene loko swi ta hi ku tsutsuma va ri karhi va ri e ndzhaku ka swona swi fika swi hodjomela swinwana va ta dlayela lomo kasi swinwana swi swi kota ku huma swi ya dlayeriwa e mahlweni.

MADZIYO. Swihari le'swikulu ku fana na ndlopfu a swi koti ku phasiwa hi ntlhamu. A ku na ntshunu wa matimba lo'wu nga vekiwaka ~~x~~ lo'wu nga kotaka ku phasa ndlopfu. Hikokwalaho tindlopfu ti rhiyiwa hi dziyo. Ntlhamu wa kona wu ni khombo siku rinwana. Masuku loko vanhu va rhiya madziyo mhaka ya k na yi fanele ku yisiwa e ka mukhulu (vuhosini) kutani va ka Mukhulu va ta ba nyiwa leswaku tlhelo ro karhi ku ni madziyo vanhu va nga ha famberi kona. Mhaka leyi ya nyiwa yi endlieriwa ni mundzuku leswaku loko ku tshuka ku hu elela mbangu mhaka yi ta tivulavula; hi leswaku a yi nga ha karhati hikuva vuhosi byi ta va byi yi tiva. Vadzimba va languta laha tindlopfu, tinyarhi, timhofu timbalamhala, tinyala, tihongonyi, timhelembe ni swinwana swihari le'swikulu swi fimbaka kona. Loko va kumile mpfutla (ntila) va landza va lava laha va nga vekelaka kona e ntlhamu. Loko swi tshuka swi ya hundza e hansi ka murhi e rhavini le'ri lašeke, va lungisa kona leswaku ya veka e ntlhamu kona. Va tšela e Šikhedyana laha loko Šihari Ši fika Ši hoša nga ta ku khodjo, masuku mantantana wa kona o ta tsemakanya kwalaho. Va tsema e Šipombondzwana le'Ši nga ni ntike lo Ši lumeriwa Šiketse (Šidlayi) le'Ši pomiweke vutsulu. Ngoti le'yi rhwalaka e Šipombondzwana leši yi famba ni rhavi ra murhi yi kc yi ya fika e nsinyeni, yi ya e mahlweni ku ya fika e Šikhonkhwanini le'Ši nga ta phiningedja (hayeka) mantantana; Šipombondzwana Ši lave ne swinene ni Šikhedyana laha mantantana a nga kona, leswaku loko Šihari Ši kandziya kwalho Šipombondzwana leši Ši to wela e nhlokweni. Loko ku rhiyiwile ku tshikisiwa sweswo.

Ndlopfu, kumbe Šihar Šinwana ntsena, yi ta ta yi ri karhi yi tifambela masuku loko yi fika yi ka dziya ma tantana yi ta va yi tivangele lumba (khwarha) Šipombondzwana Ši to ndzi vuyile, Šo fika Ši bela Šidlayi (Ši ketse) e nhawini, masuku leswi ~~xx~~ Ši nga

709

K24/11

lumeriwangiki ku tiyisi, wa ſi ta ya wela e kule ſihari ſi famba ni ſiketſe. Vutsulu byona byi ta va byi ri kar i byi endla e ntirho wa byona. Loko ſi ri ſihari le'yikulu, ſinwana ſa le'swi vuriweke kwala henbla, ſi nga swi kota ku khuguka ſi famba kambe ſi ta ya fa e mahlweni. Ntsena loko ſi ri ſa le'switsongo ſi tala ku fela kwala-ho. Loko va ya e ku kambeni va ya kuma wu watshukile va ta landza hi nkondzo va ya ſi kuma va yevula. Hilaha hi hlamuseleke ha kona leswaku nkarhi wunwana madziyo ma ni khombo swa endleka leswaku leswaku loko munhu a ku u ya e ku kambeleni a ya kuma leswaku u dlele munhu. Munhu kunene a nga ki a swi kota ni ku suka wo tala ku wela kwalaho a omela kona. Loko munhu loyi a nga rhiya e ntlhamu lowo a kuma swi ri tano, mhaka ya kona hi ku tsutsumela x e ka mukhulu a ya vika mhangu leyi, kutani va Vuhosi hi vona va nga ta vitana vini va nhloko va ta va byela mhaka leyi ni leswaku va ya teka nhloko ya vona va ya hlayisa (lahla). Sweswo loko swi hirile, vavangi va mhangu va wu tiva nawu, va ta fanela ku ya riha hi wanhwana, masuku loko nhwana loyi a blomile, loko a kuma nwana wa mativula, variheriwa va ta fanela ku ba ntsengo va ya lovola, lswsaku vana va munhu loyi va ta va vana tani hi vana vanwana, va nga vi manhlonga, hikuva vana/va valekiwa hi ſuna. Loko wansati a nga lovoriwanga, vana va yena i manhlonga; a va na tifanelo ta vana vanwana e mutini. Sweswo loko swi endliwile, swi herile, va ri: (Nwambakadzi a yi rihivi) hi leswaku kuriha sweswi ku herile ku sele ntsena ritswalo. A va ha mihang, u lo tekiwa tani hi vanwana vayasati. Vušaka bya ku tswalana byi tiyisiwile kwalaho. Mhaka ya ku riha a yi nga ha tsundzukiwi ku ta tsundzukiwa ntsena ritswalo.

NGOMA.

Ngoma i rito ra hosi. Yi biwa loko ku ri ni mhaka le'yikulu ya tiko; mhaka le'yikulu ya mfumo---- tani hi (a) ku tivisa vanhu nyimpi (b) ku luma blovo. (c) ku tivisa ngoma ya ku yimba. Ngoma yi vatliwa hi nsinya ya murhi lo'wukulu. Wu x fanela ku va nsinya wa murhi lo'wu olovaka. Muvatla-ngoma, nkuhlu, ni minwana hi yona yi fanelaka, leyi ku tolöveriweke ku vatla ha yona. Mhaka yo rhanga i ku lava nsinya wa murhi, masuku loko wu kumiwile wu tseminiwa. Masuku wa pulukanyisiwa ku ringana ku leha

709

K24/11

ka ngoma; kunene yi tlula ku tlakuka ka tshuri, yi tala ku ringana ku fika e Šifuveni Ša munhu loyi a kuleke ku ringana, hi leswaku munhu loyi a nga lehangiki na swona a nga komangiki. Yi vatleriwa kwala yi tsemiweke kona, yi rhwariwa loko yi herile. Yi vatliwa hi Šihloka, mbatlo ni nsendzo. Yi vekeriwa e Šikhomo tani hi thunga. Yi kovotliwa hi nsendzo yi ri karhi yi gupiwa ni ku hariwa vundzeni hi gwengo. Yi vatliwa yi larisiwa hala makumu (Šihansi), kutani ku ya va ni nomu lo'wutsongo. Laha nonwini ku bošeteriwa mašuva ya timbingu le'ti nga ta vamba dzovo. Dzovo ri petiwa e matini, ri olova swinene; masuku ri vambiwa. Ra swi kota ku tshanambuku, kutani loko ri oma ri ta khwanyara ri vambeka swinene. Yi yimisiwa hi tshaku loko yi biwa. Kumbe yi nga biwa ti etlele. Yi biwa hi nhorga; kasi e mikarhini ya tinyimpi loko hosi yinwana yi hluriwile yi dlayiwa ku tsemiwa voko ra yona hi le Šikokolemi (Šisungunu) ku biwa ngoma hi rona---hi Š'endla Ša kona.

Ngoma a hi mhaka ya ntumbuluko e ka Vatsonga (Shangaans). Vatsonga va khale a va ri hava; kambe hikokwalaho ka ku hlangana-hlangana ni vamatiko lawa ma nga ni swilo leswi swa tingoma na vona va titekele yona, kutani la'va namntsha vo kuma swo ngi i mhaka ya ntumbuluko kasi a swi tano.

Ndzhumba. Ndzhumba wu fana ni ngoma kambe swi hambana ntsena hi leswi ndzhumba wu nga wutsanana. Wona wu biwa loko ku t angiwa, hi leswaku loko ku tsakiwile. Loko ku t ri ni mitlangu ni loko ku x ri ni tikhomba, ku twakala hi yona mindzhumba leyi.

NTSOMANA (plural---mantsomana) mantsomana ma fambelana ni swindzhumbana. Ea wona mantsomana ma vatliwa hi mir i le'yi fanaka ni leyi ku vatliwaka Ngoma ha yona. Ntsomana i Šilo le'Šitsongo swinene, ni loko munhu a khomile/ko munhu a khomile hi voko wa swi kota ku ri yimba (ku bantsomana). Mavambela ya dzovo ma fana ni leswi ku vambisiwaka Šiswona dzovo ra ngoma. Ku ni kutšina matsomana, hi leswaku swa biwa swilo leswi loko ku ri karhi ku teiniwa. Swi tala ku biwa swi ri swimbirhi---le'Šikulu ni le'Šitsongo (marito ya swona ma ri karhi ma nyiketana). Swilo

K24/11

20 cont. leswi swi biwa ni ku tsiniwa hi tinanga. A swi tali ku biwa ni ku tšiniwa ni nhlikanhi, kambe i ntirho lo'wu tala'ka ku endliwa ni vusiku. Ku beriwa la'va nga ni swikwembu; kambe a swi twani swinene loko kumbe swikwembu swa kona swi tšava ku wa ni nhlikanhi, swi wa ntsena loko ku ri ni munyama. Kumbe va tshava ku onha nkarhi wa mitirho ni nhlikanhi, kwalabo a swi tiviwi swinene.

X Miftirho ya Vakhaléx

Tava a

Vutavala

Sigemir  
Sitsingo  
Sitingo-Simthela  
Sipendane  
ngwala

709


709

Suo fala about four feet  
22

K24/11



Sikomor



Sintsanga  
mbkembhei



Tthari

Tthari


X Matthari lawa ma lumeriwilex



nsendzo



Nseve wa tingave



Nseve wo kala Tingave



sindza

Rhavingo

709

K24/11


709 xSwo vatla x (carving)

1-4


K24/11

23. ₩


Tshuri




Musi wo Kandza




Nkombé




Ripheto



Šipahó




Ndyelo




Nggombho

Thunga




Ndzheko



K24/11


Nhonga



Šigombo (dukuza)




Mfaku





Musi wo Kandza



Musi wa Šibvesá



Mbhinyi wa Šikomu



Ripheto  
finhi ti hambanc



Gombe

K24/11

Swo Vatla. (carving)

1. Ntirho lowu wo vatla wu endliwa hi vavanuna. Va vatla swo tala. TSHURI. Tshuri ri tirhisiwa ku tlhokola ni ku kandza e mavele. Ri tala ku vatliwa hi mirhi leyi... Nkanyi, mondzo, ntomankenge, muvhangazi, mpfungurha, mbulwa, mbhesu ni minwana. Lomu yi pfumalekaka mirhi leyi hambi wu ri nkuwa wa tirhisiwa. Ku tsemiwa nsinya lo'wo lulama, wu pulukanyisiwa ku ringana ku tla-kuka ka tshuri. Murhi wu nga ringana tshuri kumbe mambirhi, kumbe marharhu. Loko ri pulukanyisiwile, ri tsemiwa ri saseka hala hansi (tshaku) ni hala henbla. Ri vevukisiwa hi ku ri lema hala handle. Ri vekeriwa nkhamo laha ko ndzengenyeka. Loko va lava ku ri kovotla va tlhoma e risungunu e Šikarhi ka rona, va bohelela ngoti le'yi nga boheleriwa e khala ku ringana ku ahlama ka tshuri kutani va rhendzelekisa va ri karhi va tsala. Ndzhaku va sungula ku kovotla ku tlhela hi ndzhati lowu. Ku tirhisiwa nsendzo ni mbatlo loko ku kovotliwa. Loko ri ri ra mondzo ra karhata hikuva wa nononwha. Rona nsendzo ni mbatlo swo tšela, kutani ku tshiveriwa ndzilo; loko wu nyekile, va tlhela va kovotla kambe, va tlhela va tshivelela kambe sweswo-sweswo ri ko ri hela (ku enta ku ringana). Loko ri herile va enghenisa gwengo va hala ku sasekisa e ndzeni. Va sasekisa e handle hi nkhamo, kumbe hi ku kenya-kenya; a ri tali ku endliwa mavala.

Tshuri ri famba ni musi wo kandza ha wona..

2. MUSI. Musi wu vatliwa hi mirhi leyi...Mudzuva, Šiluvarhi, Mondzo Nkeyi, hikuva ya tikela. Mpimo wa kona wu tala ku fika e Šifuveni loko munhu a yimile na wona Wu endlieriwa e nhloko. Vona e papilweni laha yi longolosiweke kona hi tinšaka ta yona.

3. MBHINYI. Mbhinyi i mhandze leyi ku lumeriwaka e Šikomu e ka yona. Mirhi le'yi fanelaka ntirho lowu hi leyi...Mbhahla, Siluvarhi, Ndzhopfa, Muhadamba; handle ka mbhahla lowu wu tsemiwaka, wu pandziwa, wu lemiwa vumbhinyi, leyi minwana vo languta lowu wutsongo va tšela hi šikundzu Ša wona, hi Šona Ši endlaka nhloko ya mbhinyi wa Šikomu. Loko va lumela va boša hi rhavingo

le'ri hisiweke e ndzilweni, va pfhatela kunene va ko va boša.

Na wona nsuka wa Šikomu wa hisiwa loko Ši lumeriwa.

4. RIPHETO. Ripheto loko ri hela ku phaphiwa hi Šihloka ro lunghisiwa hi bangga kumbe mukwana. Ndzhaku ri bošiwa mašuva (timbhovo to nghanisa hi kona tinhī timbirhi le'ti dludlaka ni ku hlanganisa mapa leswaku ma nga phundzuli). Timbhovo leti ti nga bošiwa tlhelo rinwe kumbe ti hambariwa. Mabošela ya kona ma kombiwile kwala swikombisweni.. Ripheto ri vatliwa hi mirhi leyo tiya, leyo sihalala. Siluvarhi, Muhadamba, Mbahla, Neihani, Mutlhwari ni minwana.

5. NKOMBE. Nkombe wu tirhisiwa ku vondza vuswa ni ku hakasa swinwana loko ku swekiwa. Wu vatliwa hi mirhi le yi sihalalaka. Kambe loko yi nga kumeki vo tsema lowu va wa kumaka. Lowu va wu vonaka ku antswa; kambe sweswo ya hi ku hambana ka matiko. Nkombeko, Nkahlwani, Šihlangwa, Nkwakwa, Muvhangazi, Muhadamba, hi minwana ya mirhi le yi talaka ku laveka e ntirhweni lowu. Sitsalala Ši tala ku vatla nkcombe wo dya hi wona e vuswa. E ntirhweni lowu ku tirhisiwa mbatlo; hi yona yi kovotlaka ni ku sendza.

6. NDZHEKO. Ndzheko wu vatliwa na wona hi mirhi le yi sihalalaka hikuva hi yona k yi nga tiya. Ni kwala swi hambana hi matiko. Ndzheko wunene wu nga vatliwa hi muvhangezi kumbe nkahlwani; kambe loko munhu a nga khathali a ngo vatla hambi wo va nkanyi. Wu vatliwa ku kotiss loko ku vatliwa e tshuri; hi lwewaku ku tirhisiwa switirho le'swi tirhisiwaka loko ku vatliwa tshuri. Wa khavisiwa loko wu herile. Loko va hetile ku tsala mavala hi laha munhu a lavaka ha kona ku hisiwa risungunu kumbe ntlhavu ku pfhateriwa ha yona. Wu nga khavisiwa ku rhendzelekela nomu ni le henweni (hono) (hono i Šikhomo Ša ndzheko). Sikhomo Ši bošiwa kusuhi ni le makumu ku huleriwa ngoti yo hayeka ha yona.

7. THUNGA. Thunga i Šibye Šo sengela lomo masi kumbe ntswamba wa tihomu. Thunga ri languteka tani hi Šitshudyana. Hikwaswo switirho le'swi tirhisiwaka e ku vatleni ka tshuri swa enghena e ntirhweni lowu. Ra khavisiwa hi laha munhu a swi rhandzaka ha kona.

8. NDYELO. Ndyelo i Šibye Šo phamela swakudya e ka Šona. Loko wu vatliwa ku tsemiwa nsinya kunbe rhavi le ro tsindziyela ra murhi ri pandziwa hi le Šikarhi. Siphemu Šinwana ni Šinwana Ši endla e ndyelo. Wu pimiwa tani hi leswi tshuri ri pimisiwaka Šiswona. Ku tirhisiwa mbatlo ku kovotla; na rora gwengo ra tirhisiwa mbatlo ku kovotla; loko munhu a swi rhandza. Mindyelo minwana yi endleriwa e tshaku; minwana yi endleriwa milenge tani hi ngqombho. NGQOMVHO wu endleriwa ni swikhomo.

Muvhangazi, Mbhesu, ni Nšenhe hi yona mirhi le'yi fanekelaka loko ku vatliwa swibye leswi.

9. SIPHAHO. Siphaho Ši lava ku fana ni ndyelo kambe Šona Ši ni Šikhomo (hono). Sikhomo Ša Šona a Ši fani ni Ša ndzheko; Šona Ši endliwa Šiphepherhele, Ši bošiwa mbhovo (šuva) yo hulela ngoti yo haye'a ha yona tani hi le'swi endliwaka e ka ndzheko.

10. GOMBE. Gombe i nkombe lo wukulu, wo lehá, wo hunga (hakasa) ha wona loko ku swekiwa byalwa. Wu vatliwa tani hi nkombe Mirhi yo vatla gombe ku hlawuriwa le'yo sihakala, wu ta tiya.

11. NHONGA. Tinhonga ti ni tinšaka to tala. Mirhi le'yi tirhisiwaka yi lava ku fana; hikuva tinhonga ti laveriwa ku tiya ni ku saseka. Tinhonga tinwana ti endleriwa ku khoma (ku tiyisa mavoko) loko munhu a famoa-famba; kasi tinwana ti ni ntirho wo tilwela loko munhu a pfukiwa hi vanwana kumbe a lwa ni Šivandza, kumbe a dlaya e nyoka, kumbe a dlaya e Šihari. Hikokwalaho swi lavekaka leswaku tinhonga ti vatleriwa ntirho lowu ti laveriwaka wona.

Sigombo Ši endleriwa e nyimpi, hikokwalaho Ši fanelaka ntirho wo lwa, ni ku tilwela ni ku dlaya. I nhonga yo koma, yo tikela, yo tiya. Mondzo, Nsihani, Siluvarhi ni minwana le'yo tikela yi endla swigombo. Sigombo Ši ni nhloko tani hi le'swi kombiweke e Šifanisweni.

Nhonga yo tamela yona yi fanela ku saseka. Yi vatliwa hi Šilutsi, Šona Ši rhandzeriwa ntima lo'wo ndzondzondzo. Nšenhe na wona wu sasekile ngopfu.

Nhonga ya wona yi nga vatliwa yi endla nsombhonsombho kumbe yi tsondzeriwa hi nyoka; kumbe yi endliwa e munhu hala henbla kumbe e Šikarhi. Munhu a nga va a khehlile Šidlodlo. Muhlovo wunwana wa nhonga ku nga vatliwa e rimhondzo le'ri rhangeke hi ku fuhletiwa e ndzilweni, ri khotsiwa, kumbe ri swakiwa kunene, kutani loko ri olovile ri khotsiwa. Ku nga vatliwa nkondzo wa Šihari, kumbe nhloko ya mbyana, kumbe šilo Šinwana leši munhu a Ši ehleketa ka leswaku Ši sasekile. Nhonga ya kona yi nga bošiwa na yona nhloko ya kona yi nga bošiwa, kutani ku endliwa e mhingu le'yi enghenaka e mašuveni la'ma bošiweke e ka tona hi timbirhi ka tona. Ti fanela ku sendziwa swinene leswaku laha ti nga hlanganisiwa kona ku nga vonaki. Na kona hala hansi laha ku helaka kona nhonga ku tlhomowiwa rinwana rimhondzo, na rona ri vekeriwa tani hi le'ra le henbla.

12. MFUKU. Mfuku yi tšhela fole. Yi tala ku vatliwa hi Šitsalala ni minwana mirhi. Tani hi laha yi vonakaka ha kona e Šifanisweni yi vatliwa yi siya hala nonwini ku larile, kutani ku i hetisiwa hi ku boša hi risungunu loko yona yi herile. Ti tirhiwa hi hala ndzhaku. Laha ku vonakaka ndzhati hi laha yi nga hlanganisiwa hi kona. Na yona yi kutsumbiwa hi Šinsendzwana ni Šigwengwana. Yi kutsumbisiwa Šisweswo yi ko yi hela. Yi fanela ku sendziwa swinene leswaku ku nga ti vonaka laha ku nga hlanganisiwa hi kona. Loko yi herile yi fanele ku khavisiwa; ya kenya-kenyiwa, ndzhaku ku hisiwa e risungunu ku pfhateriwa ha rona. Yi herile mfuku, kutani yi nga tirhisiwa.


Ku ni mfuku leyi va nge i Šipapa. Yona yi nga endliwa hi Šidzobyana Ša sengana (bale). Hambi Ši ri Ša swinwana swihari le'switsongo. Šidzobyana leši Ši tlhuvutsiwa swinene Ši vupfa, kutani va tšhela kona fole. Loko va dzaha a va tšhuluri vo nunwana kunene, ni loko va siyela munhu vo nwi nyika hi Šipapa a munwana. (ku nga ku koka hi tinhompfu). Ku pfala ka Šona vo tsondzela hi ringhole le'ro lala, le'ri endleriweke Šona Šipapa lešo.

709

K24/11

709

-Swo vumba -




Nkamba wo  
(Šihiso) sila  
mbila, timanga etc.




Šinkambana  
šo ševela




Nkambana  
sabelo




Khuwana




Šikhuvana




nhlambeto




Nsimeko (mbita le'yi-  
kulu ya byalwa).



Šinhambetwana



Djomela



djomela



Šinkambana  
šo sila fole.  
— Sirhengele —

H. E. N. Šanwisi, Lemana

Ku vumba (Pottery)

Ku rumba i ntirho lo'wu endliwaka ngopfu hi vavasati e Šikarhi ka vamhu (Bantu). Ku laviwa vumba le'ri fanelaka, hi tlhelo ra ku tiya ni ku ka ri nga handzuki. Loko ri koriwile, (tšeriwile) ri vuyile e kaya, r phuphuteriwa, ri vekiwa e kheleni le'ri tšeleriweke swona. Ra khubumetiwa khele leri loko vumba ri ri lomo. Swi vitaniwa ku furheka. Loko va vuya e ku rhwaleni a va vulavuri, ri nga ta handzuka. Ndzhaku ra kanyangiwa (pfuva) ri vupfa. Ku endliwa Šiphepherhele Ši vekeriwa e Širhengeleni, va sungulela kona. Va swoswa vumba ku ri endla milonga, yi veketeriwa nonga e henkla ka nonga; loko yi hlangene yi hlanganisiwa hi rikatla kumbe nthamula. Loko Šikhato Ši lulamisiwile, yi nyikiwa e vundzeni, yi ri karhi yi ringanisiwa ku tsindziyela ka Širhengele Ša kona; va endlisa sweswo yi ko yi ya fika e makumu. Ndzhaku ya dlayileriwa. Swibya leswi swi vekiwa e ndlwini laha ku nga hava moyo swi omela kona. Swa kukutseriwa swi nga si humeseriwa e handle, swi khavisiwa (sasekisa hi mavala); Šinatsi Ša tirhisiwa.

Loko swi omile swi humeseriwa e handle swi orhae masana. Ku rhoteriwa tihunyi ti veketeriwa na swona, kutani ku lumekiwa ndzilo. Loko ku endliwa ntirho wolowo a ku vulavuriwi, vavanuna a va pfumeleriwi ku tehinela, swi nga ta handzuka. Vanwhanyana a va orhi ndzilo wa kona swi nga va nyika vumba (ku felwa loko va kuma swihlangi Loko swi tswwhile swa ringetiwa loko swi wu twile e ndzilo ku ringana. Loko swi nga fikanga, swa engetiwa, swi vuyela e ndzilweni swi tehive-leriwa kambe. Mbita yi kanguriwa hi vudyangwani. Byo swekiwa. Loko leswo swi herile yi ta va yi tiyile; yi nga tirhela leswi nwini a yi lavelaka swona.

Timbita tinwana ti endleriwa ku swekela e vuswa ka tona--- nhlambeto, Šinhlambetwana, tinwana ti endleriwa ku ka mati---khuwana, Šikhuvana tinwana ti endleriwa ku silela e ka tona --nkamba (Šihiso); tinwana i to tšhela byalwa,---nsimeko, (mbita le'yikulu ya byalwa) khuwana Šikhuvana; swinwana swo nwela e ka swona---madjomela, swinwana swo hlambela nkambana (sabelo, swinwana swo Švela--šinkambana;

swinwana swo sila fole - Šona ſi vitaniwa "shirhengele" hikuva hakanyingi a ku tirhisiwa Širhengele (Šiphemu ſa mbita le'yo fayeka) ku sila fole.

Nhlambeto ni Šinhlambetwana i timbita leti ku swekeriwaka e ka tona. Ntirho lowu ti endleriwaka wona wu komba Šikanwe leswaku a ti fanelanga ku khavisiwa hikuva ti tirha musini. Ta swihatiwa, kutani mavala ma nyama ma nga ha vonaki. Ti fanele ku hariwa (kwenga---kwengiwa) ku susa ku swihala ka musi; hikokwalaho nkarhi wunwana to tsariwa kunene, ti tahikisiwa Šisweswo. Milomo ya tona ya ahlamisiwa leswaku nkombe wu ta kota ku tirha swinene. Makhuwana ni madjomela, minkamba ni swinkambana swa tsariwa swi khavisiwa hikuva hikwaswo leswi swa nhlantswiwa leswaku swi nga ti nyenyetsa loko vanhu va ri karhi va tirhela e ka swona. Nkambana (sambelo) wa tsalatsariwa hikuva ku blamberiwa e ndzeni ka wona. Nkambana wo funengeta mbita wu kona na wona. Nkamba (Šihiso) wo sila tinhlampfu, Šidlhamutana, timanga mikarhi minwana, Šimbhundzu ni swinwana, wa tsariwa e ndzeni ka wona (wu endleriwa meno) leswaku wu ta kariha.

Milomo ya makhuwana na madjomela ya khumisiwa hikuva ndzheko wa mati wa swi kota ku enghena loko wu nga kulanga ngopfu. Sirhengele ſo sila fole na Šona ſa tsariwa e ndzeni leswaku ſi ta kariha. Si vitaniwa Širhengele hikuva a ku tirhiwa hi ſi rhengele ſa mbita loko ku nga si sunguriwa ku vumba swo silela ka swona fole.

END S.709